

## **De Iustitia Et Iure ceterisq[ue] Virtutibus Cardinalibus**

**Lessius, Leonardus**

**Antverpiæ, 1632**

10 Quo modo Preces horariæ recitandæ.

---

[urn:nbn:de:hbz:466:1-72459](#)

**Tertia pars vnius hore.** si vel una hora negligatur, v.g. Tertia, Sexta, Nonna, Completoriu. Quod autem idem Nauarrus & quidam alij volunt, omissione tertiae partis vnius hora, v.g. vnius Psalmi cum hymno, esse peccatum mortale, id sibi durum videtur. eti enim una hora sit materia grauis & sufficiens ut sub peccato mortali precipiatur; non tamen inde sequitur, tertiam eius partem talem esse; alioquin etiam tertia pars vnius Psalmi talis dicenda esset. Itaque eti omittere Sextam vel Nonam integrum, sit peccatum mortiferum, quia multæ preces omittuntur, non tamen sequitur mortiferum esse, si tertia pars Sexta vel Nonae omittatur. Ita tenet Angelus v. Hora. num. 18 citans Palud. d. 15. q. 5.

**An duplex peccatum.** Ex dictis sequi videtur, beneficiarium Ordinis Sacri duplex peccatum mortiferum admittere, omitendo officium, quia contra duas virtutes diuersas peccat, nimis contra iustitiam, & contra virutem religionis. Ratione enim ordinis sacrificetur lege religionis. Illæ enim preces ordinatis præcipiuntur tamquam officium religionis congruens eorum statui, & bono Ecclesie. & hac ratione ad illas tenetur, etiam cessante quavis alia obligatione. Ratione vero beneficij tenetur lege iustitiae; quia beneficium datur propter officium, & præbenda est veluti merces & stipendium illius operæ, iuxta modum supra cap. 34. dub. 32. explicatum.

Contrarium tamen tenet Henriquez lib. 2. de Pœnitentia cap. 5. n. 6. litera P. Quod ita probari potest: Quia officium vnius diei, est in se, vt est opus religionis & cultus, sit notabile quiddam ad quod sub mortali obligemur, si præcipiatur: tamen non videtur ita notabile ut est materia iustitiae, præsertim respectu Ecclesie cui est debitum, non enim videtur notabilis iniuria vel damno Ecclesiam afficere, si semel officium prætermittat, ergo ex hac parte non erit culpa mortifera, sicut qui pro altero tenetur iejunare ex promisso vel contraictu, quia ab eo sustentatur, non peccat mortiferè, etiam si semel iejunium omittat, quia non censetur notabilis laesio in illo genere. Vnde sepositio Ecclesie præcepto, beneficiarius præcise ex contraictu seu obligatione iustitiae ad Ecclesiam non peccat mortiferè semel horas omittingat. Si tamen sèpè omittet, est mortale, quia ex natura rei, debita parua accumulantur, & efficiunt materiam magnam, sicut is qui quotidie debet facere Sacrum, non est dannandus peccati mortiferi, si semel vel bis omittat etiam absque causa, quia in illo genere non censetur graue damnum, aut grauus iælio. Fateor tamen, beneficiarios in sacris constitutos grauius aliis ordinatis peccate; quamvis hic excessus non videatur mortalis.

**Recitans cum jocio.** Cirea prædicta tamen aduerte, si cum socio alternis recites, non censeri omitti quod per ipsum legitur; quia id communione socij fit tuum, modò illud audias: & Ecclesia hanc rationem in officiis diuinis permittit; quia sic minore fatigacione, & attentiùs, & plerumque iucundiùs leguntur. Vnde hic modus etiam in recitanda corona B. Virginis, alijque precibus, ubi vel plurimi sunt verticuli, vel eadem sèpissimè repetenda, adhiberi potest; etiam si ex præcepto aut voto ad illas sis obstrictus: vt si septem Psalmos pœnitentiales vel totum Psalterium legere debeas; vt fusè probat Nauarrus tract. de orat. c. 10. nu. 27. & ratio est, quia non minus hic excitatur deuotio, & obtineret fi-

nis orationis, & moraliter rotum legi censetur. Hoc tamen intellige, nisi aliud expreſſe sit iniunctum, quod est ratificatum.

Introduxit hunc modum alternativum psallendi *Vnde hic in suam Ecclesiam, nimis Antiochenam, pri-mos manus B. Ignatius;* unde sensim in totum Orientem dimanauit. Causam dedit visio quedam caelestis, in qua Angelos sanctam Trinitatem *divinam,* id est, alternis vocibus collaudantes audiuit, teste Socrate lib. 6. hist. cap. 8. In Occidente vero primus S. Ambrosius eamdem rationem in sua Ecclesia instituit, teste Isidoro lib. 1. de Offic. Eccles. cap. 7. quem reliqua Occidentis Ecclesia sunt secuta. antea omnes simul canebant, nec erant in choros distincti.

Potes, Vtrum omittere omnes horas vnius diei, sit vnum peccatum, an multa?

Nauarrus cap. 7. nu. 6. & multi alij docent esse vnum peccatum; quia septem horas canonicae vna tantum sunt oratio, vnum officium diuinum.

Sed hæc ratio difficultis est, Primò, Nam singula hora sunt distincta orationes, distincta officia, distinctis temporibus Deo soluenda, ad quorum singula obligamus sub peccato mortali: ergo singulorum omisso est distinctum peccatum mortale.

Secundò, Singulorum recitatio est impletio præcepti, saltem virtute distincti: nam præceptum de dicendis horis implicitè continet septem præcepta, quatenus septem opera distincta, & inter se minimè connexa præcipiuntur. hinc fit ut possim imp lere præceptum de precibus Prime, etiam si non impleam præceptum de horis Terria; præcepta enim ex diuersis operibus præcepis multiplicantur: ergo singulorum omisso est distinctum peccatum mortiferum.

Tertiò, etiam si vna volitio, qua volo omittere omnes horas, tamen virtute est septuplex; quia per eam septem distincta omissonsunt volitæ, & ab ea procedunt: singula autem omissonsunt distincta peccata externa. Vnde fit ut etiam in confessione explicandum sit quot horas sint omisæ. Hanc sententiam insinuat Tabiena v. Hora. q. 18.

Dixi, *Sine causa;* quia si causa iusta prætermit-tendi subsit, nullum erit peccatum: vt si absque notabili dolore capitū vel oculorum, vel simili molestia dicere nequeas; si periculum grauius mali incurres, vt inter haereticos; si concilio vel alia functione publica prætermitti deberet, vel conuenienti modo fieri requiri, nisi hora omittantur. Item si ob cæcitatem vel debilitatem nequeas dicere saltem maiorem partem, ad nihil teneris. si maiorem partem potes, teneris illam recitare. Ita Nauarrus de orat. cap. 11. num. 13. & seq. si ob infirmitatem non potes nisi ope loci, nec consueueris eo vti; non teneris: lecus li confueueris. Non tamen excusat quis, ed quod in studiis versetur, aut iter faciat. Vide Nauarrum in Enchir. cap. 25. num. 100. & sequentibus, & tract. de oratione cap. 11.

#### DUBITATIO X.

*Quo modo preces horariae recitanda.*

**R**espondeo, Recitandas esse studiæ & de-novæ: ita enim præcipit in Concilio gene-rali.

rati sub Innocentio III. *Districte precipientes in virtute obedientie, ut diuinum Officium nocturnum pariter & diurnum, quantum eis Deus dederit, studiosè celebrent pariter & denot. Et quamvis ibi videatur esse sermo de officio publico, idem tamen dicendum de eo, quod priuatim dicitur; quia est eadem ratio.*

*Quid requiratur  
ut studiose.*

*Vt studiose celebretur, tria requiruntur. Primo, Ut absque syncopa, (vt ait Glossa) id est, absque verborum omissione; vt fit, dum priora verba versiculi iunguntur ultimis, absorptis mediis. Secundo, Vt verba non mutilentur aut truncatum proferantur, abscessis quibusdam syllabis, praesertim ultimis. Tertio, Vt absque interruptione.*

*56 Quod ad primum attinet, si fiat validè magna Syncopatio, erit peccatum mortiferum, maximè in officio publico; quia contra strictum præceptum Concilij in re graui, nisi enim esset res graui, non præciperet in virtute obedientie. In officio priuato non facilè erit mortale, nisi sit enormis excessus, quo casu tenebitur etiam repetere. Si autem non sit magnus excessus, erit peccatum veniale, modò id voluntariè fiat. Si autem inuoluntariè, v. g. ex lingua præcipitantia, balbutie, inolita consuetudine, quæ corrigi nequeat, vel ob iustam festinationem; non erit peccatum.*

*De secundo, Absorbere syllabas non est nisi peccatum veniale; manet enim integra precum substantia, ita ut intelligi possit. Si inuoluntariè fiat, nullum peccatum est.*

*57 Interrupcio. De tertio, Interruptio quenam, si fiat absque iusta causa, est peccatum; quia aliquam irreuerentiam continet: led non videtur nisi veniale in officio priuato: manet enim substantia precum, et si in medio cursu fiat aliqua intermissione, vnde etiam si duret per unam vel duas horas, non necessariè est repetendum quod ante recitationem est. Confirmatione, quia singuli Psalmi, imò singuli pñne versiculi per se suum habent pondus & completam significacionem; suntque per se vel precatio quadam, vel laudatio, vel lamentatio non habens necessariam cum aliis connexionem. Colligitur ex Caietano, in Summa ver. Quando horæ, §. Quoad quartum, vbi dicit, In huiusmodi circumstantiis non incurri peccatum mortale, sine contemptu; quia non spectant ad substantialia materie præcepta. Idem censent multi viri docti ea de re consulti, & Pelitanus lib. 3. de bonis operibus cap. 6. in fine quartæ assertio, Lælius Zecceus in Summa cap. 83; de officio diuino num. 10. dicit esse probabile, & citat Arragon.*

*58 Dices, Quando est magna intermissione, priora & posteriora non efficiunt unam orationem, unum officium diuinum, ac proinde ex illis partibus non constituitur officium. Primæ vel Tertiæ, &c. Ob hoc argumentum, Nauarrus de orat. cap. 16. d. 75. putat esse peccatum mortale, nisi fiat cum animo repetendi priora. Idem insinuat Ioannes Medina C. de orat. q. 16. art. 3.*

*Sed verius videtur quod diximus, quia non est de substantia singularum precum, ut continuetur. Secùs est in formis Sacramentorum, vbi requiritur moralis continuatio.*

*Ad argumentum Nauarri, Resp. Ex partibus unius longæ orationis tempore leiuensis posse constituit unam orationem, unum officium diuinum; sicut ex omnibus horis constituitur unum officium diuinum, & ex multis confessionibus una*

confessio, & ex multis disputationibus una integra disputatione. Sieut enim declamatio, confessio, vel disputatione non definit esse una, ed quod dividatur in diversa tempora; ita nec officium Prima vel Tertia, amittit suam necessariam unitatem per hanc divisionem: quia illa magis consistit in integritate, quam in continuatione.

*Dixi, Si fiat absque iusta causa, quia si iusta causa subsistit, nullum est peccatum; ut si voceris à Superiori, si ex officio vel mandato Superioris, vel charitate proximi occurras aliquod opus faciendum, quod non potest commodè differri. Quando tamen huiusmodi impedimenta sunt prævisa, debent vitari quantum commodè fieri potest; id que vel illa opera anticipando, vel horas alio tempore dicendo.*

*Petes, Vtrum si quis interrumpat officium animo repetendi iam lecta, satisfaciat, si postea non repeatat, sed solùm sequentia adiungat. Medina quæst. 16. de oratione art. 3. & Nauarrus suprà num. 73. docent illum non satisfacere, nisi priora repeatat. Idem censent quotiescumque aliquis facit opus præceptum animo non satisfaciendi obligationi præcepti. Probatur, quia is qui debet mihi 100. non liberatur obligatione, si donet mihi 100. gratis, & absque animo soluendi debiti: ergo similiter qui deberet aliquid opus ex præcepto, non liberatur obligatione, si faciat illud animo non implendi præceptum.*

*Sed verius est non teneri repetere; sufficit enim ut mutet propositionem, & adiungat cetera. Simili modo, qui die festo audiuit Sacrum animo non satisfaciendi præcepto, & audiendi aliud, potest mutare animum & non audire. Ratio est, quia opus præceptum, non est, v. g. audire Sacrum animo implendi præceptum, sed simpliciter audire Sacrum attende & deuotè. hoc autem fit, etiam si fiat animo non implendi præcepti. Itaque satisfactum est intentioni Ecclesiae quoad rem præceptam: vnde nec incurrit censuram non audiendi positam. Ne tamen censetur præceptum ipsum in animo contemnere, debet explicitè vel implicitè intendere ei obedire & satisfacere per hoc opus vel per aliud. vnde si expressè intendat non satisfacere per hoc opus, debet habere animum satisfaciendi per aliud: aliquin peccat contra præceptum, non quidem omissione operis externi, sed interno contemptu; quia non vult obedire præcepto; quamvis recipia ei obediā, faciendo opus, illum autem animum debet habere, quamdiu manet in priore proposito, quo vult non esse satisfactum præcepto, opere præcedenti. Itaque si mutet hoc propositionem, non est necesse ut permaneat in voluntate operis iterandi; nec tenetur iterare: quia non amplius censetur præceptum contemnere. Idem dicendum de precum repetitione.*

*Alia est ratio cum aliiquid debitum est ex iustitia: tunc enim is cui debetur, ius habet in suum commodum aliiquid exigendi; quod ius non extinguitur gratuita donatione, at cum aliiquid solùm est debitum ex præcepto, non in suum commodum præcipientis, sed solius subdit, satisfit huic debito, si opus absolutè fiat: quia co ipso, quo præstat, obtinetur id quod præcepto intenditur, nimirum bonum ipsius subdit, fed de hoc plura tract. de legibus dicenda.*

*Altera conditio est Denotè, ut autem denotè ce- Dub. 10. 60  
Diferent  
inter debi-  
sum obe-  
dientia &  
iustitia.*

lebretur, duo requiruntur, *attentio* & *reuerentia*; sola enim *attentio* non sufficit; nam oratio est actus religionis, ac proinde requirit reuerentiam: aliud enim est orare, aliud attentè aliquid legere. Verum magna difficultas est, qualis *attentio* & qualis *reuerentia* requiratur. Vnde sit

## D U B I T A T I O X I .

*Quæ & quanta attentio requiratur in Horis canoniciis.*

Diuinus Thomas art. 13.

61  
*Attentio  
externa.*

**N**Otanum est Primo, *Attentionem* in oratione ne posse esse multiplicem: alia enim est interna, alia externa. Externam voco, qua est circa externam pronuntiationem & totius corporis compositionem; qua quis exterius se gerit in speciem orantis, abstinetque ab operibus externis, cum quibus attentio interna consistere nequit.

*Interna.*

62  
*Attentio  
quadruplex.*

Interna est, qua quis attendit animum ad Deum vel res diuinæ, excitatque in se erga Deum reuerentiam. Rursus, alia est circa verba, ut recte pronuntiantur; alia circa verborum sensum, ut mente percipiatur, & affectus illi applicetur: alia circa Deum, ut verba orationis ad ipsum dirigantur: alia ad id quod perimus à Deo vel ad rem aliquam piam, per quam Deum laudari & affectum nostrum excitari cupimus. Denique quævis ex his attentioribus potest esse vel actualis vel virtualis: item vel confusa vel distincta.

*Internam  
requiri.*

63  
*Distractio  
voluntaria  
quando  
peccatum  
veniale.*

Notandum Secundo, In omni oratione Iure diuino naturali requiri attentionem & reuerentiam internam: qui enim cum Deo colloqui, à Deo aliquid petere, Deum laudare intendit, conuenient modo id facere debet; sicut qui hospitem aliquem recipit, eum pro sua dignitate, quantum commode potest, tractare debet; aliquin non tam videtur illum honorare quam contempnere. Itaque eti non tenet nunc orare, si tamen velim, & orem, teneor debitam reuerentiam & attentionem adhibere. Hinc fit ut omnis voluntaria distractio in propriæ dictâ oratione, fit aliquod peccatum; ut recte docet Caeteranus art. 13. & Nauarrus cap. 25. num. 105. Hoc tamen peccatum non est nisi veniale, quando oratio est libera, vel faltem non obligatoria, nisi sub veniali, quod si quis non tam intendat orare, quam pio exercitio, recitando precum verba, se occupare, non peccabit, etiam si sponte alia cogiter, & sèpè orationem interpellet.

Quando Iure diuino ad orationem obligamus sub peccato mortali, tunc voluntaria distractio erit peccatum mortiferum.

His positis, in quibus Doctores conueniunt, quæstio est, quando solum præcepto Ecclesiæ obligamus ad orandum.

Multi Doctores putant non requiri ex præcepto Ecclesiæ attentionem internam. Vnde eti quis interius sponte distractatur, non peccare mortiferè, nec teneri repetere, modò integrè omnia pronuntiet; & exterius, ijs rebus, cum quibus interna attentio consistere nequit, non se occupet. Fundamentum huius sententiae est, quia Ecclesiæ non potest præcipere aut vetare actus internos, sed solum externos. Itaque non præcipit inter-

nam attentionem, nec vetat internam distractiōnem, sed solum externam: vt cùm quis exterius facit ea, quæ non patiuntur internam attentionem, vt si fabuletur, scribat, pingat, &c. Ita Durandus in 4. dist. 15. q. 12. num. 6. Si euagatio, inquit, sit solum secundum actum interiore, licerit temeraria & grauis, cùm sit ex proposito, forte tamen non est peccatum mortale, nisi effet contemptus: quia Ecclesia non habet indicare de actibus merè interiorebus, & ideo non potest eam ponere sub præcepto. Vnde minister Ecclesie, si dicendo Horas scienter cogitat, aliud, non videtur transgressor præcepti Ecclesie, quantum est ex natura facti. Si autem euagatio mentis sit ex eo, quod occupet, se in actu exteriore, qui non compatitur secundum attentionem orationis, tunc videtur esse culpa mortalis, & directe contra præceptum Ecclesie, quod habetur cap. Dolentes. Idem ijsdem verbis docent Paludanus eadem distinet. q. 5. a. 2. & D. Antoninus 3. p. tit. 13. c. 4. §. 8. Idem §. 7. pro hac sententia adfert Hostiensem, Vmbertum, Glossam, & Archidiaconum. Idem tenet Angelus verbo Hora, n. 27. Rosella, & Tabiena v. Hora, §. 3. Siluester ver. Hora, q. 11. Ioannes Medina C. de orat. q. 15. & multi alij recentiores. Hæc sententia non est improbabilis; tum ob rationem, quia nititur; tum ob multos & graues Doctores, qui eam tenent; tum quia sic mitigatur non nihil asperitas, quæ videtur esse in præcepto Ecclesie, dum dicitur sub peccato mortali ad singulas Horas obligare.

Contra tamen sententia videtur verior & probabilius, videlicet requiri attentionem internam, *Verius est ad eò ut si quis interius sponte alienis cogitationibus se occupet, non satisfaciat præcepto Ecclesie de Horis dicendis. Hanc tenet Maior in 4. d. 12. q. 7. Caiet. hac q. 8. ar. 13. Sotus lib. 10. de Iustitia q. 5. ar. 5. conclus. 7. Nauar. tract. de orat. c. 23. n. 18. 19. 20. & plerique recentiores. Eadem videatur esse D. Thomas in 4. d. 15. q. 4. art. 2. quæstionula 4. ad 2. vbi dicit, Si ad contrarium mens euagetur, etiam culpa mortalis erit.*

Probatur hæc sententia Primò, Quia Ecclesia in Concilio Lateran. districte præcepit, ut Officium diuinum celebretur studiose pariter & deuote, vt patet cap. Dolentes: atqui deuotio consistit in actu interno, & requirit internam attentionem ad res diuinæ, vnde Glossa, *Deuotè, quantum ad officium mentis.*

Dices, Solùm præcipi deuotionem exteriā, quæ sita est in eo vt quis se gerat in speciem orantis.

Contra Primò, Quia deuotio externa sine interna, non est deuotio, sed simulatio deuotionis; vnde qui sic orat, non potest dici deuotè orare.

Secundo, Quia vt satisfaciat præcepto Ecclesie, non requirit externa deuotio, v.g. externus habitus precentis, genuflexio, &c. præsertim cum officium priuatim recitatur: nam sufficit deuotio interna.

Probatur Secundo, Quia Ecclesia præcipit Clericis verum actum orationis & laudis diuinæ: atqui ad talēm actum requiritur interna attentio & reuerentia; ergo simili præcipit internam attentionem. Minor probatur, quia oratio potissimum consistit in actu interno, vt docet D. Thomas; est enim colloquium cum Deo: vnde requirit attentionem & reuerentiam erga Deum. Confirmatur, quia qui exterius profert verba orationis abque animo